

Etzakit

musika taldea



errespetua ematen du»

Goiz edo noiz disko berria grabatu dute

- Udan plazaz plaza arituko dira

«Ilusiorik ez du amestu gabe lo hartzen ez duenak», diozue disko berriko Goiz edo noiz kantan. Etzakitek zer amesten du kontzertu baten ondoren?

Hurrengo kontzertua hobia izatea. Egun horretakoa oso ona izan bada ez, baina bestela bai.

Eta dantza asko egin al du jendeak zuen kontzertuetan?

Disko berriaren lehen bi aurkezpenak ezberdinak izan ziren alde horretatik. Bizkaian dantza gehiago egingen da; Gipuzkoa, Nafarroa eta Iparral-



dea ezberdinak dira. Hala ere, badaude jendearen alde-tik dantza gehiago egin eta giro ona sortzen diren herri batzuk. Zeintzuk? Ez dakigu, baina gehienbat Bizkaian.

Ekainaren 3an Txaraman joko duzue, 9an Anoetan, 11n

Durangon, eta hortik aurrera maiz joko duzue. Ondo moldatzen al zarete?

Batez ere ekainetik irailera aritzen gara, ia egunero izaten ditugu erromeriak. Bidaietarako furgoneta bat daukagu, eta hor joaten gara gutako hiru eta traste guztiak. Beste hirurak autoan.

Eta neguan?

Denbora libre gehiago izaten du-

KORRIKA

■ **Arraina edo haragia?**

Haragia.

■ **Negua edo uda?**

Uda.

■ **Margo bat?**

Beltza.

■ **Animalia bat?**

Katua.

■ **Zenbaki bat?**

Laua.

■ **Ipuinetako pertsonaia bat?**

Teo.

gu, parranda egiteko (barreak), eztarria zaintzeko eta sendiarekin egoteko.

Etzakit sei urte betetzera doa.

Bai, lehenago Jon Miren eta Xabier trikitia eta pandearoarekin aritzen ziren, baina taldea 1994an sortu zen, gitarra eta baxua sartu zirenean.

Zergatik sartu zenituzten gitarra eta baxua?

Aukera gehiago ematen dituelako. Beste zerbaite da.

Disko berria estudioan grabatu duzue. Zer ezberdintasun dago estudioan grabatzetik zuzenean jotzera?

Estudioak errespetu handiago ematen du. Erromerian ateratzen dena ateratzen da, eta kito. Zuzenekoan ere badago tentsioa, baina ez estudiokoa bezalakoa.

Orduan, zuzenekoetan oraindik urduri egoten zarete?

Bai, batzuetan urduritu egiten gara.

Egia al da Etzakit izena zer izen jarri ez zenekitelako jarri zenutela?

Bai. Izen asko begiratu genituen. Zer izen jarri galdetu eta «etzakit», «etzakit» erantzun, eta azkenean Etzakit jarri genion.